

REGIONAL NEWS

HEADLINES:-

1. Central sorkar in Mizoram a VC-te tan kumin tangka kum kal mek a hman tur thawh hnihna cheng vaibelchhe 14 leh nuai 40 a rawn pe chhuak.
2. A hmasa ber tur atan Mizoramah lungalhthei zawn hna thawh tan a ni.
3. Mizo hlang awmna tur Territorial Army-ah tunah hian Kawmzawl Lungleiah mi 65 vel an awm mek.
4. West Bengal Darjeeling Dist-a nasa taka lei minah mi 20 chuang an thi.

<><><>

RLB FUND

Central sorkar chuan tun hnai khan Mizoram a village council-te tan kumin tangka kum kal mek a hman tur thawh hnihna cheng vaibelchhe 14 leh nuai 40 a rawn pe chhuak.

Ministry of Panchayati Raj thuchhuahin a sawi danin tuna VC-te tana cheng vaibelchhe 14 leh nuai 40 pek chhuah hi Finance Commission 15-na 'untied grant' atanga pekchhuah a ni a. Hemi rual hian tangka kum hlui (2023-24) chhunga untied grant thawh khatna hrensak cheng nuai 12 leh sang 9 a rawn pe chhuak tel bawk. Tuna sum pek chhuah hi a dawng thei tur VC 808 an awm a,hemi hma August thla khan cheng vaibelchhe 14, nuai 27, sing 6 leh sang 1 VC 827 te hman tura pekchhuah a ni tawh bawk a, hei hi 2023-24 tangka kum ami kha a ni.

Panchayati Raj Ministry leh Jal Shakti Ministry (Department of Drinking Water & Sanitation) chuan rural local body (RLB) leh panchayati raj institution (PRI) te tana Finance Commission 15-na sum ruahman hi pe chhuak turin rawtna a siam a, chumi zulzui chuan Finance Ministry chuan instalment 2 tangka kum kallai-ah a pechhuak ta ani. 'Untied grant' an tih mai hi VC-te leh PRI te'n a khaw bikin an mamawh ang zela thil hrang hrang 29-a hmasawinna hna an thawhna atana ruahman a ni a. 'Tied grant' hi mipui nitin mamawh zual bik - thianghlimna lam leh pawn lera inthiar awm lohna vawn reng theihna atan leh chhungkaw tinin an bawlhhlawh leh thil hrang hrang senghawi a sawngbawlina atan te, tui pekna, ruahtui khawlina leh tui hman hnu hman tangkai zui zel theih tura sawngbawlina atan te ruahman bik a ni.

<><><>

RLB FUND

Central sorkar chuan tun hnai khan Mizoram a village council-te tan kumin tangka kum kal mek a hman tur thawh hnihna cheng vaibelchhe 14 leh nuai 40 a rawn pe chhuak.

Ministry of Panchayati Raj thuchhuahin a sawi danin tuna VC-te tana cheng vaibelchhe 14 leh nuai 40 pek chhuah hi Finance Commission 15-na 'untied grant' atanga pekchhuah a ni a. Hemi rual hian tangka kum hlui (2023-24) chhunga untied grant thawh khatna hrensak cheng nuai 12 leh sang 9 a rawn pe chhuak tel bawk. Tuna sum pek chhuah hi a dawng thei tur VC 808 dawn tur a ni a. A hma hian August thla khan

cheng vaibelchhe 14, nuai 27, sing 6 leh sang 1 chu VC 827 te hman tura pekchhuah a ni tawh bawh a, hei hi 2023-24 tangka kum ami kha a ni.

Panchayati Raj Ministry leh Jal Shakti Ministry (Department of Drinking Water & Sanitation) chuan rural local body (RLB) leh panchayati raj institution (PRI) te tana Finance Commission 15-na sum ruahman hi pe chhuak turin rawtna a siam a, chumi zulzui chuan Finance Ministry chuan instalment 2 chu tangka kum kallai-ah a pechhuak ta a. 'Untied grant' an tih mai hi VC-te leh PRI te'n a khaw bikin an mamawh ang zela thil hrang hrang 29-a hmasawwna hna an thawhna atana ruahman a ni a. 'Tied grant' an tih chu mipui nitin mamawh zual bik - thianghlimna lam leh pawn lera inthiar awm lohna vawn reng theihna atan leh chhungkaw tinin an bawlhhlawh leh thil hrang hrang senghawi a sawngbawlna atan te, tui pekna, ruahtui khawlna leh tui hman hnu hman tangkai zui zel theih tura sawngbawlna atan te ruahmanna bik a ni.

<><><>

RTI

India khua leh tui tupawhin sorkar thuneitute kawh information-te dan hmanga a taka an neih theihna Right to Information Act, 2005 hmangin mipuiten kuminah Mizoram Online RTI kaltlangin Mizorama sorkar department,office leh board hrang hrang hnenah zawhna 6,572 an zawt tawh a; tun thla kal mekah ni 4 chhungin Online RTI-ah hian zawhna 96 a lut tawh.

Mizoram Information Commission tarlan danin, RTI Act Second Schedule hnuai-ah ram venhimna kaihhnawih thilte chu mipuiin information an dil theih zingah ngaihnhathiamna (exemption) pek an ni a. Exemption pek zingah hian central sorkar hnuai intelligence leh security organisation 22 an tel a, Mizoram sorkar hnuai exemption pek zingah hian CID Special Branch, District Special Branch leh Narcotic Cell-te bakah, thubuai chhui lai tibuai thei turte a tel.

Exemption pekte leh a thawktute hi eirukna kaihhnawih leh Human Right bawhchhiatna lam thilah chuan RTI Act hnuai hlahthlem an ni bik lo thung ani.

Mizoram Online RTI hi kum 2022 July thla khan hawn a ni a; kumin bikah January ni 1 atanga vawiin October ni 4 thleng khan Online RTI kaltlangin zawhna 6,572 a lut tawh a, tun thla kal mekah ni 4 chhungin zawhna 96 a lut tawh bawh.

Chief Information Commissioner Pu John Neihlaia chuan Information Commission, sorkar hnathawh leh mipuite chu RTI Act hman tangkai leh zual a nih theih na'na tan la zel turin a chah a ni.

<><><>

COAL

A hmasa ber tur atan Mizoramah lungalhthei zawn hna thawh tan a ni.

Maheswari Mining Pvt. Ltd. chuan Lunglei district a Rotlang West khaw hmuna kumin March thla atang khan lei hnuai a lungalhthei zawn hna hi an tan thu Pachhunga University College a Geological Society of Mizoram (GSM) inhmuhkhawmna-ah leilung lam zirmi Pu C. Malsawmkima'n Zirtawpni khan a sawi a. Tuna an thlen chinah chuan lungalhthei awm theihna tura ngaih hmun 3 an chhinchhiah tawh a, hmun dang pawh a awm theih beiseina an nei nual ani. He lai hmuna lungalhthei hi lei chhung verh atanga la chhuakin jamshedpur a National Metallurgical Laboratory-ah endik mekin Rare Earth Elements (REE) endikna hmangin a tha chi a nih leh nih loh enfiah mek a ni. GSM

inhmuhkhawmna-ah hian zirna in lamte nena thawhhona thuk zawk leh sorkar laipui atanga sum hmuh dan turte sawiho a ni a. He inkhawmah hian Commerce & Industries minister Pu F. Rodinglana pawh a tel a. Leilung zirni Pu Malsawmdawnglana chuan Mizorama hydrocarbon (tuialhthei leh boruakalhthei) zawn hna thawh a nih dan leh REE endikna hmanga zir chian a nih dan a sawifiah bawk a ni.

Kum 2005 leh 2025 inkar chhung hian lei chhung atanga thil laih chhuah ilo vel atangin Mizoram chuan cheng vaibelchhe 101 leh nuai 68 a thawkchhuak tawh a. Lung lakna atangin cheng vaibelchhe 63 leh nuai 5 bakah tuialhthei laihchhuah phalna 'Petroleum Exploration Licenses (PEL)' a pek chhuah atangin cheng vaibelchhe 38 leh nuai 62 a hmu tawh bawk a. Kumin April leh August thla inkar chhung ringawt khan Directorate of Geology & Mining chuan chhiah atangin cheng vaibelchhe 2 leh nuai 16 a khawn tling tawh bawk a ni.

<><><>

SAY CONGRESS

Salvation Army Thalai inkhawmpui (SAY Territorial Congress) vawi 27-na, Darlawn a hman mek chu zaninah a tiak ang.

Territorial Congress-ah hian nimin khan Territorial SAY Council bul tumin General Council neih a ni a. Kumin chhung atana India Eastern Territory chhunga SAY te hmalakna tur leh rawngbawlina tur hrang hrang sawiho a ni a, an thurel zingah SAY member biak-in thleng phak lote tan 'Bring them in' Programme chak leh zual zawk a kalpui te, ruihhlungaite tan leh khawlai a rawngbawlina kalpui mek Territorial Street Mission rawngbawlina, inkaihhraina tha zawk nena kalpui dan turte, Voice of Salvationist buatsaih leh Adult Rehabilitation Center (ARC), Chhiahtlang tihchangtlun dan turte a tel a , kum 2026 budget atan nuai 15, sing 5, sang 9 leh 560 pawm a ni bawk a ni.

SAY Congress-ah hian palai inziak lut 5,000 chuang an awm a, India ram chhunga Territory hrang hrang atangin palai an awm bawk a ni.

<><><>

CATHOLIC YOUTH

Wawiin khan Mizoram pum a Diocese Catholic Thalai Pawlte chuan Thalaite Ni an hmang a. He ni hi cultural day atan hmangin, Mizoram hmun hrang hrang ah a lawmna programme neih a ni.

City Parish lam pawhin he ni hi, Mizo hnam thuam a inthuam ni-ah an hmang a. St. Lawrence Parish, Ramthar Vengah huam chhung a Parish hrang hrang thalaite'n Mass leh Fellowship programme an hmang a. Aizawl huam chhunga Catholic Thalai member tel an thahnem hle ani. Chawhma dar ah Mass Thianglim buatsaih a ni a, chawhnu ah inpawlhona hun hman ani a,Diocese Youth Director Rev Father James Lalruattluanga'n Thalaite Ni thuchah a sawi ani.

Nimin lamah he ni pual hian thisen pek runpui neih a lo ni tawh bawk ani.

<><><>

AIR NEWS ON SOCIAL MEDIA

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

TERRITORIAL ARMY

Mizo hlang awmna tur Territorial Army chu Aizawl leh Lungleiah din tur a nih angin tunah hian Kawmzawl Lungleia Lt Col Prashant R Kakade, Officer Commanding hovin mi 65 vel an awm mek.

Indian Air Force ho awmna thinah battalion thar awmna tur hi dah a ni. Lt Col Prashant R Kakade chuan an hmalakna tur lian berah chuan Sipai, General Duty tur 70 lak an ni dawn tih sawiin an zingah hian hmeichhia pawh lak tum a ni a, lak zat tur chiah erawh la tihchian loh a ni a ti. Tun tumah hian mi 70 lak an ni ang a, a dawtah mi 230 la lehin kum 2 chhungin mi 300 an la dawn niin a sawi. November ni 10 leh ni 16 inkar chhung hian district tin pualin a indawt in Rajiv Gandhi Stadium, Aizawl Salem Veng Mualpui-ah sipai lak hi kalpui a ni dawn tih sawiin hemi atan hian Lunglei Dist, Siaha, Lawngtlai leh Hnahthial Dist te tan naktuk Thawhtanni Pre recruitment rally chu Kawmzawlah buatsaih a ni ang a ti. He hunah hian Mizo thalai a tam thei ang ber kal tur a sawmin Mizo hlang awmna tur a Sorkar laipui, Ministry of Defence in ruahmanna a siam a nih angin, Mizo thalai ten hmang tangkai se a duh takzet tih a sawi a ni.

RG Stadium a tling te chu Shillong-ah Training pek an ni ang a, chumi hnuah hian sipai puitling an ni tawh mai dawn a ni a ti. Territorial Army hi sipai puitling ang chiah niin tul leh mamawhah koh theih reng an ni dawn a, kum 7 an tan ngei ngei a ngai a, a tul dan azirin leh an nungchang azirin kum 30 thleng an service thei dawn a ni a ti. Hlawh pawh a chhe lova, pension tha tak an dawng ang a, chhungkua leh khawtlang tan pawh mi tangkai tak an ni thei ang a ti.

Kawmzawl Lungleia TA Hqtrs. a Mizo awm chhun Naik Lalrinpuia chuan kum 2016-ah Teritorial Army- ah a lut tih sawiin kum 15,17 leh 20-ah pension a theih tih sawiin service laia thi te chu SBI atang an chhungte cheng nuai 50 an dawng thei tih sawiin nuai 50 dang pawh Bajaj Insurance atanga dawn leh tur a awm tih a sawi. Tun tum hi Mizo tan territorial dina tur hmasa ber a ni tih sawiin Indian Army dang ang bawkin hamthatna an dawn a inang vek a, CRPF leh BSF ai pawhin a tha zawk a, thla tin Rs sing 6 chuang an la thei a, chuvangin Mizo thalai ten ngaihven se a duh tih kan Corr a hrilh.

<><><>

DARJEELING LANDSLIDES

West Bengal Darjeeling Dist-ah ruahsur nasa vanga Gorkhaland Territorial huamchhunga nasa taka lei minah mi 20 chuang an thi. Mirik Subdivision-ah mi 13 an thih bakah midang 4, na takin an hliam a, Sukhia Pokhri-ah mi 6 thiin midang 1 chin hriat lohvin an awm bawk a, Bijanbari-ah mi 1 a thi bawk.

Siliguri Mirik pawhna Duhdia lei a chim chhiat avangin Mirik atanga Siliguri panna a ping a, hmun dang tam takah pawh kawng a ping a ni. Nimin atang khan Mirik, Kurseong, Rangbhang leh Pul Bazaar-ah te nasa takin ruah a sur a, Kalimpong Hill Dist-ah pawh chhiatna hrang hrang a thleng a, Teesta lui lianin hmun engemawzatah motor kawng a chim pil avangin lirthei tlan dan pawh a buai phah nasa hle a ni.

President Droupadi Muru, Vice President CP Radhakrishnan leh Prime Minister Narendra Modi-a ten Darjeeling dist-a chhiatna thleng chu pawh an tih thu sawiin thi chhungte hnenah tawrhpuina an hlan a, hlawhtling taka chhanchhuah hna thawh anih theih nan leh hliamte pawh dam leh thuai turin duhsakna an hlan bawk.

MP ACTION AGAINST DOCTOR & COMPANY

Madhya Pradesh Chhindwara Dist-a khuh damdawi ei hnua naupang 11 thihna thleng chungchangah state sorkar chuan damdawi chawhtu doctor leh damdawi siamtu company lakah FIR an thehlut a, Dr. Praveen Soni-a hi nizan khan man a ni a. Khuh damdawi siamtu, Tamil Nadu-a Shreesan Pharmaceuticals hi Special Investigation Team-in an chhui Chiang ang.

Hetih lai hian nimina report tihchhuahin a tarlan danin he khuh damdawi, Coldrif-ah hian hriselna atana hlauhawm, diethylene glycol, zaa 48.6 a tel tih finfiah a ni.

<><><>